

## DOMINGU XXVII TEMPU KOMÚN – TINAN B

### Tema

Leitura sira Domingu da-27 apresenta nu'udar tema prinsipál, Maromak nia projetu ideál ba mane no fetu: forma comunidade ida domin nian, estável no indissolúvel, hodi tulun malu atu sai haksolok. Domin ne'ebé halo iha saran-an no entrega, sai ba mundu reflexu Maromak nia domin nian.

*Leitura dahuluk* dehan katak Maromak hakiak mane no fetu atu kompleta malu, atu tulun malu, atu hadomi malu. Ida de'it iha domin, mane no fetu sai “isin ida de'it”. Sai “isin ida de'it” implika moris iha komuñau total ba malu, fahe malu moris, metin iha domin.

Iha *Evanjellu*, Jezús, hodi konfronta Lei judaika divórsiu nian, afirma filafali projetu ideál Maromak nian ba mane no fetu: sira simu bolun atu forma comunidade estável no indissolúvel domin nian, partilla no doasaun nian. Iha Maromak nia projetu nia la prevé separasaun, basá Maromak la konsidera domin ida ne'ebé la'ós total no la dura iha tempu. Domin rohan-laek, iha kompromisu indissolúvel de'it, maka respeita projetu dahuluk/primordiál Maromak nian ba mane no fetu.

*Leitura daruak* fó hanoin mai ita kona-ba Maromak nia domin ba ema sira nia “kualidade”... Maromak hadomi ema tebes to'o haruka nia Oan mesak. Jezús sai solidáriu ho ema sira, hodi kumpre Aman Maromak nia projetu, simu atu mate iha krús atu dehan ba ema sira katak moris loos maka domin to'o ba nia konsekuénsia ikus liu. Hodi liga Surat ba Ebreu sira ho tema mahuluk liturjia domingu ne'e nian, ita bele dehan katak kabe-na'in/kazál kristaun tenke testemuña, ho nia doasaun laho limite no ho ninia entrega total, Maromak nia domin ba umanidade .

### LEITURA I – Gn 2,18-24

Testu Gn 2,4b-3,24 – koñesidu nu'udar relatu jahwista kriaun nian – mak, tuir maioria komentador sira-nian, mak testu ida sék. X mK, ne'ebé mosu iha Judá iha época liurai Salomão nian. Testu id aho estilu moris, koloridu, ho ilas oioin. Parese nia obra katekista populár ida, ne'ebé hanorin hodi uza imajen sijestiva sira, kolorida no forte. Ita La'ós reportajen jornalística ida akontesimentu tmepu uluk nian bainhira hahú umanidade. Autor nia finalidade la'ós sientífika eh istória, maibé teolójika: liufali hanorin oinsá mundu no ema mosu, nia hakarak dehan mai ita katak iha vida no ema nia orijen iha Jahwéh. Tanba ne'e, testu ne'e mak katekeze ida no la'ós tratadu ida atu esplika ho modu sientífiku orijen mundu no moris nian.

Atu apresenta katekeze ida-ne'e ema sira sék. X mK, teólogo jahwista sira utiliza elementu simbóliku no literáriu kosmogonia Mezopotámia nian (n.e., formasaun ema nian “husi rai-rahun” mak elementu ida mosu beibein iha mitu sira orijen nian Mezopotámia nian); sira adapta símbolu sira foti husi narrasaun lendária povu seluk nian, hodi fó enkuadramentu foun ida, interpretasaun foun ida no uza ba atu serví katekeze no fiar Israel nian. Lingujen no apresentasaun literária narrasaun bíblica kriaun nian iha paralelu ho mitu sira rai sira Mezopotámia nian, maibé konkulzaun teolójika sira – liuliu hanorin kona-ba Maromak no kona-ba ema nia fatiniha Maromak nia projetu – diferente liu.

Testu ne'ebé ohin propoin mai ita nu'udar primeira leitura hatuur ita iha “jardín Éden nian”, espasu ideál ida iha-ne'ebé Maromak tau ema ne'ebé nia kria iha ambiente ksolok material nian atu ninia eziyénsia moris nian hetan satisfasaun. Fatin ida ho bee bain no ai-hun barak

(ba ema sira ne'ebé moris iha rai-fuik maran, ksolok mak fatin ho bee naresin, klima fresku, ambiente ho ai-hun no duut abundante). Entaun ema iha ona buat hotu atu nia haksolok? Seidauk. Iha perspetiva katekista jahwista, ema laduak realiza an tomak, basá sei falta ema atu nia kompartilla moris no ksolok. Maromak la kria ema atu mori smesak, maibé moris iha relasaun. No ida-ne'e problema ida ne'ebé Maromak, ho lais no domin, atu rezolve...

### *MENSAJEN*

Hakiak tiha mane no tau iha “jardín” ksolok nian, Maromak nota mane nia solidaun (moris mesak) no hakarak fó ba nia solusaun. Oinsá?

Uluknanai hodi lori balada sira no manu sira atu ema tau naran (vers. 19). Tuir ideia Médiu Oriente antigu, tau naran maka hahalok domínio nian no posesu nian. Husi perspetiva katekista jahwista nian, hahalok ne'e hatudu Maromak rekoñese ema nia autonomia no ninia asosiasaun ba obra kriadora Maromak nian. Autoridade ba kriatura seluk no ema nia asosiasaun ba Maromak nia kriaun hatán ba ema nia hakaran ksolok nian ne'ebé kompletu hodi rezolve ninia solidaun? La'e ida. Ema la hetan iha mundu balada nian “tatulun ida hanesan nia” (vers. 20). Maski mundu ne'e riku no furak oinsá, ema la hetan iha nia tulun no komplementu ne'ebé nia hein. Maromak tenke intervein fali atu ema bele realiza an kompletamente.

Maromak nia asaun foun hahú ho “dukur todan” mane nian. Hafoin, Maromak hanesan doutór sirurjiaun ida, hasai ema nia isin baluk ida (testu ko'alia kona-ba “zela”, be tradús nu'udar ruin knosan, maibé bele signifika sorin) no ho nia halo fetu (vers. 21-22). Tanba sá mane dukur todan? Tanba tuir autór jahwista nia hanoin, kria maka segredu Maromak nian no ema labele testemuña momentu misteriozu no solene ida-ne'e; nia presiza mak admira Maromak nia kriaun no adora Nia ba ninia obra furak sira... Halo tiha fetu, Jahwéh akompaña nia ba mane nia oin. Iha ne'e aprezena fetu hanesan noiva ne'ebé lori ba noivu nia oin no Maromak hanesan “padriñu” noivadu ne'e nian. Mane, hadeer husi “dukur todan”, simu fetu ho hakilar ida ksolok nian no simu nu'udar maluk ne'ebé nia seidauk hetan, ninia komplementu, nia an seluk: “ida-ne'e maka ruin husi ha'u-nia ruin no isin husi ha'u-nia isin” (vers. 23a). Mane (vers. 23b) hanaran nia kompañeira “fetu” (iha ebraiku: 'ishah) basá hasai husi mane (iha ebraiku: 'ish). Liafuan rua ne'e ninia proximidade sujere proximidade entre mane no fetu, sira-nia igualdade fundamentál iha dignidade, komplementaridade parentesku. Testu taka ho komentáriu autór nian: “tanba ne'e mane sei husik nia aman no inan no ba hamutuk ho nia kaben, no sira rua sai isin ida de'it” (vers. 24). Komentáriu ida-ne'e hakarak sai resposta ba kestaun konkreta ida: husi ne'ebé maka mai kbiit boot ida-ne'e hanaran domin ne'ebé forte liufali talin ne'ebé kesi ita ba inan-aman sira? Ba katekista jahwista, domin mai husi Maromak, ne'ebé halo mane no fetu husi isin ida de'it; tanba ne'e, mane no fetu buka unidade ida-ne'e no iha destinu atu moris iha komuñau ba malu.

## **LEITURA II – Heb 2,9-11**

Surat ba Ebreu sira mak sermaun ida autór kristaun anónimu ida-nian, provavelmente elabora iha tinan sira molok Templu Jerusalém nian rahun (70). Nia destinatáriu mak comunidade sarani sira ne'ebé la identifika (títulu “ba ebreu sira” tau ikus ona tanba refere barak ba Tetamentu Tuan no rituál “sakrifísiu sira). Komunitade sira moris situaun difisil no hasoru persegisaun ... Membru sira comunidade nian lakon ona laran-manas ba Evanjellu tempu inisiál nian, husik dezánimu daet sira no monu ba sedusaun/babeur doutrina seluk sira-nian la

koerente ho fiar simu husi apóstolu sira... Objektivu autór “diskursu” ne’e nian mak estimula moris iha kompromisu sarani no buras iha fiar.

Surat ne’e – hodi uza linguajen teolojia judaika – apresenta Kristu nia mistériu, amlulik boot liu ne’ebé, husi Nia ema iha asesu livre ba Maromak no tam aiha komuñauñ real no definitiva ho Nia. Autór aproveita, atu reflète implikasaun sira realidad ene’e nian: tan Kristuhalo sarani sira tama iha relasaun ho Aman, sarani sira halo parte Povu saserdotál, katak comunidade sarani no sira tenke halo sira-nia moris sakrifísiu kontínuu hahí nian, entrega nian no domin nian. Autór oferese ba sarani sira aprofundamentu no ampliasaun fiar primitiva, ho kbiit atu revitaliza ninia esperiénsia fia rnian, ne’ebé sai fraku tanba akomodasaun no persegisaun.

Testu propoin mai it aohin, inklui iha parte dahuluk Surat nian (kf. Heb 1,5-2,18). Iha nia, autór tau hamutuk no repete buat ne’ebé katekeze primitiva afirma kona-ba mistériu Kristu nian: ninia inkarnasaun, paixaun no mate, ninia glorifikasaun liuhusi moris-hi’as. Iha kapitulu rua ne’e nia laran, autór afirma Jezús nia superioridade iha kriatura hotu nia oin, nomeadamente iha relasaun ho anju sira.

### *MENSAJEN*

Jezús aseita atu hamamuk an husi ninia divindade no halo an “sai ki’ik liu anju sira”, atu husi don nia moris no mate nian, bele kumpre Maromak nia projetu maksoin ba ema sira (vers. 9). Afirma tiha buat ne’e, autór Surat ba Ebreu sira hakle’an ninia reflesaun no esplika tanba sá Jezús tenke liu husi haraik-an krús nian (vers. 10-18).

Paixaun no mate Kristu nian maka konveniénsia ida projetu salvasaun nian husi Maromak. Ne’e signífika katak Maromak nia objetivu maka ema buras hodi to’o ba moris nakonu. Atu halo umanidade bele to’o iha finalidade ida-ne’e, Maromak fô gia ida – Jezús Kristu. Nia tenke hatudu ho Ninia vida no ezemplu, katak ita bele to’o ba moris nakonu hodi kumpre integralmente Aman Maromak nia hakaran no halo ita-nia ezisténsia don id ba maun-alin sira. Krús mak espresaun aas liu no totál vida ne’ebé saran an ba Maromak nia projetu no doasaun ba maun-alin sira. Hodi mate tanba domin, Jezús hanorin ema sira oinsá maka sira tenke moris, dalan ida-ne’ebé mak sira tenke tuir, atu to’o ba plenitude moris nian, ksolok rohan-laek; hodi mate tanba domin no moris-hia’s fali Jezús liberta ema sira husi ta’uk mate nian no hatudu ba sira katak mate la’ós liña nia rohan ba sira ne’ebé moris iha entrega-an ba Maromak no doasaun ba maun-alin sira.

Hodi asume natureza umana, hodi sai solidáriu ho ema sira, hodi sai ema sira nia maun-boot, Kristu (ida-ne’ebé santífika) hatama ema sira (sira ne’ebé simu santifikasaun) iha Maromak nia órbita no hatudu sira dalan atu tuir hodi bele integra an iha Maromak nia família (vers. 11).

### **EVANJELLU – Mc 10,2-16**

Despede definitivamente husi Galileia, Jezús kontinua dalan ba Jerusalém, hasoru ninia destinu ikus. Ita iha “rejiaun Judeia, hakat liu Jordão” (vers. 1) – ne’e katak, iha territóriu transjordániku Pereia nian, territóriu Erodes Antipas nia ukun nian, ida-ne’ebé oho João Baptista bainhira kritika nia tan soe nia feen lejítima. Jezús, iha fatin ne’e konfronta ho ema lubun boot sira no hanorin sira. Dixípulu sira, kontinua haleu Nia no simu instrusaun espesiál husi Jezús.

It aharee filafali farizeu sira, la’ós atu rona ninia proposta sira, maibé atu koko Nia no toman husi Nia deklarasaun ruma ne’ebé kontra Lei. Sira buka oportunidade atu halo Jezús ko’alia hasoru kestaun delikada ida: matrimóniu no divórsiu.

Iha realidade, buat ne'e mak kestaun "manas" ida no ladauk iha konsensu total entre "mestre sira" Israel nian. Lei Israel nian permiti divorsiu ("bainhira mane ida foti fetu ida nu'udar feen no kaben, se ikus mai nia lakohi ona fetu ne'e, tanba deskobre buat ruma inkonveniente iha fetu ne'e, mane sei hakerek dokumentu ida divorsiu nian, tau iha nia liman no despede nia husi nia uma" – Dt 24,1); maibe la klaru kona-ba razaun sira ne'ebe fundamenta la'en soe nia feen. Iha Jezus nia epoka, iha eskola teolojia rua ne'ebe lahanesan kona-ba interpretasaun Lei divorsiu nian. Eskola Hillel nian hanorin motivu naran de'it, maski ida la folin liu (feen la te'in di'ak eh tanba la'en gosta liu ida seluk). Serve atu mane despede fetu; eskola Shammai nian, rigoroza liutan, defende katak razaun ida grave de'it (adulteriu eh fetu nia konduta aat) mak fo ba la'en direitu atu soe nia feen. Fetu fali, bele hetan divorsiu husi tribunál de'it bainhira nia la'en moras lepra eh halo serbisu ida hakribi nian.

Iha diskusaun ne'ebe seidauk define di'ak ne'e mak farizeu sira buka atu envolve Jezus. Resposta negativa hus Jezus nia parte, konserteza sei interpreta nu'udar kondensasaun ba Erodos Antipas nia matrimóniu ho Erodiades, ninia kuñada. Farizeu sira-nia pergunta, provavelmente, tama iha tentativa atu hetan razaun atu elimina Jezus.

### *MENSAJEN*

Hasoru kestaun ne'ebe farizeu sira foti (mane ida bele soe nia feen? – vers. 2), Jezus hahu hodi fo hanoin ba sira sa maka Lei husu (vers. 3). Ne'e la dehna katak, Jezus identifika An ho Lei nia pozisaun kona-ba kestaun divorsiu nian.

Efetivamente, Lei permite divorsiu (vers. 4); maibe, Lei nia lisensa la'os Maromak nia projetu ba mane no fetu maibe, rezultadu husi "ema nia fuan toos". Moises nia Lei la define kuadru ideal domin nian entre mane no fetu, maibe regula de'it kompromisu matrimoniál, hodi hanoin de'it ema nia hakaran sira.

Kontrariu ba permisividade Lei nian, Jezus apresenta projetu primordiál Maromak nian ba mane no fetu nia domin. Hodi temi ho modu livre pasajen Gn 1,27 no Gn 2,24, Jezus esplika katak, iha projetu orijinál Maromak nian, Nia hakiak mane no fetu, atu kompleta malu, atu tulun malu, atu hadomi malu. Hamutuk iha domin, mane no fetu forma "isin ida de'it". Sai "isin ida de'it" implika moris iha komunaun total entre sira, hodi saran an ba malu, fahe moris ba malu, metin iha domin ida de'it, ne'ebe forte liufali tali uniaun seluk. Separasaun hatudu frakasu domin nian; ba Maromak domin mak rohan-laek, hatudu iha kompromisu indissolúvel, respeita Maromak nia projetu primordiál ba mane no fetu.

Jezus nia perspetiva kona-ba kestaun ne'e mak tuirmai ne'e: iha realidade foun ne'ebe Maromak hakarak propoin ba ema (Maromak nia Reinu), to'o ona momentu atu husik hahalok nara-naran, laran-makerek, fasilidade sira no buka buat be aas liu. Kona-ba moris kaben-na'in nian, buat aas liu mak Maromak nia projetu inisial ba mane no fetu sira ne'ebe prevé kompromisu domin estável, duradouru, indissolúvel.

Ba eskolante sira, Jezus nia diskursu ne'e difisil atu komprende; tan ne'e, bainhira sira to'o iha uma, sira husu ba Jezus esplikasaun suplementár (vers. 10). Jezus haktuir fali de'it katak relasaun entre mane no fetu tenke enkuadra iha projetu inisial Maromak nian no la'os iha fasilidade ne'ebe Lei Moises nian fo. Maromak nia perspetiva maka la'en no feen, kesi iha domin, forma comunidade ida vida estável no indissolúvel nian. Divorsiu la tama iha projetu ne'e. La'en no feen, iha igualdade sirkunstansia nian, responsavel ba comunidade familiár nia edifikasaun no responsavel atu evita frakasu domin nian (vers. 11-12).

Testu ne'ebe propoin mai ita taka ho Jezus ne'ebe simu labarik sira, defende sira no fo bengan ba sira (vers. 13-16). Labarik sira iha-ne'e, mak kontrapozisaun ida ba foti-an no arrogansia ne'ebe fariseu sira hatudu bainhira hasoru Jezus, nune'e mos eskolante sira nia difikuldade atu simu lójika Reinu nian... Labarik sira simples, transparente, laho kalikulizmu;

la soi prestíjiu ka priviléjiu atu defende; entrega an ho konfiansa iha aman nia liman no hein husi sira buat hotu, ho domin. Tanba ne'e labarik sira maka modelu eskolante sira-nian. Maromak nia Reinu pertense ba sira ne'ebé, hanesan labarik sira, moris iha sinseridade no lialoos, hodi la preokupa ho sira-nia interese egoísta ka sira-nia priviléjiu nia defeza, hodi simu Maromak nia proposta ho simplisidade no domin. Sé maka la'ós labarik, katak sé maka la'o tuir dalan kle'uk no kalkulista nian, eé maka la hakribi foti-an no autosufisiénsia, sé maka despreza Maromak nia lójika no konta de'it lójika mundu nian (iha mós kestaun kazamentu no divórsiu nian), sé maka lori nia moris tuir de'it sabór interese no valór efémeru (liu lalais sira), sé maka la aseita atu ema kuestiona ninia rasioníniu ka hanoin rasik no ninia prekonseitu sira, la bele integra iha comunidade Reinu nian.